

Møteprotokoll

Utvalg: Nasjonalparkstyret for Jotunheimen og Utladalen

Møtestad: Nettmøte / Teams

Dato: 18.03.2020

Tidspunkt: 09:00 – 10:35

Følgjande faste medlemmer møtte:

Namn	Funksjon	Representerer
Leif Solemsli	Leiar	Vang
Marit Sletten	Nestleiar	Lom
Hilmar Høl (t.o.m. sak 9/2020)	Medlem	Årdal
Harald Sve Bjørndal	Medlem	Vågå
Trude Brosvik	Medlem	Vestland

Følgjande medlemmer hadde meldt forfall:

Namn	Funksjon	Representerer
Ivar Kvalen	Medlem	Luster
Kjersti Bjørnstad	Medlem	Innlandet

Følgjande varamedlemmer møtte:

Namn	Møtte for	Representerer
Marit Tennø	Ivar Kvalen	Luster
Svein Håvar Korshavn	Kjersti Bjørnstad	Innlandet
Anne Kauppi (siste del av møtet)	Hilmar Høl	Årdal

Merknader

Som følgje av coronasituasjonen måtte møtet avviklast som nettmøte via Teams. Enkelte hadde tekniske problem med løysinga, og Solemsli fekk ikkje opp talefunksjonen frå si eining. Han kunne høyre møtet, og kommenterte ved behov via SMS. Den nyvalde leiaren måtte derfor overlate møteleiinga til nestleiar Marit Sletten. Hilmar Høl måtte forlate møtet etter sak 9 for beredskapsmøte. Anne Kauppi kom inn som vara for han mot slutten av møtet

Frå administrasjonen møtte:

Namn	Stilling
Kari Sveen	Nasjonalparkforvaltar – møtesekretær
Johannes Skahjem	Nasjonalparkforvaltar
Rigmor Solem	Statens Naturoppsyn Jotunheimen (SNO)

Underskrift:

Vi stadfestar med underskriftene våre at det som er ført på dei sidene vi har signert i møteboka, er i samsvar med det som vart vedteke på møtet.

Leif Solemsli (sign.)

Marit Sletten (sign.)

Saksliste

Utvalgs-saksnr	Innhold	Lukket	Arkiv-saksnr
ST 4/2020	Godkjenning av innkalling og dagsorden		
ST 5/2020	Nasjonalparkstyret for Jotunheimen og Utladalen - Valg og konstituering 2020 - 2023		2020/3369
ST 6/2020	Nasjonalparkstyret for Jotunheimen og Utladalen - Møteplan 2020		2019/21618
ST 7/2020	Referatsaker		
RS	Nasjonalparkstyret for Jotunheimen og Utladalen - Årsrapport 2019		2019/21618
RS	SNO Jotunheimen - Årsrapport 2019		2019/4527
RS	Tilråding på oppdrag om å vurdere forskriftsendring - bruk av el-sykkel på vei i enkelte verneområder		2019/16144
RS	Besseggløpet - Rapport 2019		2019/20850
RS	Jotunheimen NP - Tilbakemelding på utplassering av geocache på Visbretinden		2019/16996
ST 8/2020	Delegerte vedtak		
1/2020	Delegert vedtak - Jotunheimen NP og Utladalen LVO - snødekt mark - leiting etter sakna dyr - Gravdalen - Leirdalen - Håkon Øverli		2019/20551
2/2020	Delegert vedtak - Jotunheimen NP - Dispensasjon - 2020-2023 - Motorferdsel i samband med utleige av hytter - Lom fjellstyre		2020/1161
3/2020	Delegert vedtak - Jotunheimen nasjonalpark - Dispensasjon - Motorferdsel - 2020-2023 - Bruk av snøskuter for utsetting av fisk - Vågå fjellstyre		2020/2535
4/2020	Delegert vedtak - Jotunheimen NP - Dispensasjon - 2020-2023 - Bruk av drone i samband med tamreindrift - Vågå tamrein AS		2020/311
5/2020	Delegert vedtak - Jotunheimen NP - Utladalen LVO - Dispensasjon - Motorferdsel - 2020-2023 - Transport i samband med drift og vedlikehald av anlegg - Hydro Energi AS		2020/3317
ST 9/2020	Nasjonalparkstyret for Jotunheimen og Utladalen - Tiltaksmidler og bestillingsdialog 2020		2019/19735
ST 10/2020	Jotunheimen NP - Dispensasjon - Motorferdsel - 2020-2023 - Snøskuter - Røde Kors Luster Hjelpekorps		2019/21597
ST 11/2020	Jotunheimen NP - dispensasjon - 2020 - 2023 - Besseggløpet - Besseggen Fjellpark AS v/ Tor Erik Moen		2020/1332
ST 12/2020	Jotunheimen NP - Dispensasjon - 2020 - Ultraløp - Jotunheimen Ultimate Challenge		2020/3536

ST 13/2020	Jotunheimen nasjonalpark - Dispensasjon - 2020 - Etablering av hengekøyeovernatting - Glitterheim Turisthytte	2020/1851
ST 14/2020	Jotunheimen nasjonalpark - Dispensasjon - Motorferdsel - 2020 - Utvida gjestetransport - Glitterheim Turisthytte	2020/1850
ST 15/2020	Høyring - Kvalitetsnorm for villrein - Nasjonalparkstyret for Jotunheimen og Utladalen	2020/3680
ST 16/2020	Jotunheimen NP - Dispensasjon - 2020 - Bruk av drone i forbindelse med TV-program - Nordisk Film TV AS	2020/3289
ST 17/2020	Jotunheimen NP og Utladalen LVO - dispensasjon - drone - TV-produksjon - Nordisk Film TV AS Trekt frå saklista etter melding frå sækjar om at saka ikkje er aktuell pga coronasituasjonen	2020/3627
ST 18/2020	Eventuelt	

ST 4/2020 Godkjenning av innkalling og dagsorden

Saksprotokoll i Nasjonalparkstyret for Jotunheimen og Utladalen - 18.03.2020

Sak 17/2020 er trekt frå saklista, etter melding frå sækjar om at saka ikkje lenger er aktuell pga coronasituasjonen

Sak 14/2020 er av same årsak truleg heller ikkje aktuell i år, men blir likevel behandla sidan sækjar ikkje har trekt søknaden.

Val for signering av protokoll måtte vente til slutten av møtet for å få konstituert styret først. Etter styrevedtektene pkt. 7 skal «*Protokollen underskrives av styreleder og ett medlem som velges ved møtets begynnelse.*»

Vedtak

Nasjonalparkstyret godkjenner innkalling og dagsorden, med endring om at sak 17 går ut.

Marit Sletten vart vald til å signere saman med styreleiar Leif Solemsli

ST 5/2020 Nasjonalparkstyret for Jotunheimen og Utladalen - Valg og konstituering 2020 – 2023

Saksprotokoll i Nasjonalparkstyret for Jotunheimen og Utladalen - 18.03.2020

Vedtak

Nasjonalparkstyret for Jotunheimen og Utladalen blir konstituert med val av leiar og nestleiar, i medhald av pkt. 4 i gjeldande vedtekter frå 01.01.2020. Følgjande er valde:

Leiar: Leif Solemsli
Nestleiar: Marit Sletten

I medhald av pkt. 5 i gjeldande vedtekter oppnemner styret eit arbeidsutval.
Arbeidsutvalet består av leiar, nestleiar og 1 medlem.
Medlem Arbeidsutval: Hilmar Høl

Vararepresentantar til AU, i nummerert rekkefølge:

1. Trude Brosvik
2. Kjersti Bjørnstad

ST 6/2020 Nasjonalparkstyret for Jotunheimen og Utladalen - Møteplan 2020

Saksprotokoll i Nasjonalparkstyret for Jotunheimen og Utladalen - 18.03.2020

Marit Tennø forslø Fjordstova som møteplass for planlagt møte i Luster 22. juni.
I dette møtet vil ein avtale nærare rammer for møtet i september og møtestad i november.

Styret er positive til å samordne septembermøtet med møte i rådgjevande utval.

Vedtak

Nasjonalparkstyret for Jotunheimen og Utladalen godkjenner følgjande møteplan for resten av 2020:

Dato og møtestad	Ramme for møtet
18. mars	Konstituerande møte via Teams.
22. juni Luster. Aktuelle møteplassar: Fjordstova, Skjolden	Fysisk møte. Orientering om aktuelle problemstillingar og saker for området: Villrein i Vest-Jotunheimen, Byggeplanar på Fannaråken og ved Skogadalsbøen
7.-8. september Årdal	Aktuelt: Orientering om informasjon og tilrettelegging ved innfallsport Utladalen. Kombinere med møtet i rådgjevande utval?
13. november Lom, Vang eller Vågå	Hovudsak: Bestillingsdialogen og søknad om tiltaksmidlar

Møtekalenderen blir supplert med møte i Arbeidsutvalet dersom det kjem saker som krev raskare avklaring og som ikkje er rutinesaker med høve til administrativ behandling.

ST 7/2020 Referatsaker

Saksprotokoll i Nasjonalparkstyret for Jotunheimen og Utladalen - 18.03.2020

Vedtak

Nasjonalparkstyret tek referatsakene til orientering.

Årsrapportar 2019 frå SNO og styret er tilgjengelege på nett.

http://www.nasjonalparkstyre.no/Documents/Jotunhei%20dok/%c3%85rsmeldingar%20og%20%c3%a5rsrapportar/Nasjonalparkstyret%20for%20Jotunheimen%20og%20Utladalen_%c3%85rsrapport%202019.pdf

<http://www.nasjonalparkstyre.no/Documents/Jotunhei%20dok/%c3%85rsmeldingar%20og%20%c3%a5rsrapportar/%c3%85rsrapport%202019%20for%20Jotunheimen%20og%20Utladalen.pdf>

Nasjonalparkstyret for Jotunheimen og Utladalen - Årsrapport 2019	2019/21618
SNO Jotunheimen - Årsrapport 2019	2019/4527
Tilråding på oppdrag om å vurdere forskriftsendring - bruk av el-sykkel på vei i enkelte verneområder	2019/16144
Bessegggløpet - Rapport 2019	2019/20850
Jotunheimen NP - Tilbakemelding på utplassering av geocache på Visbretinden	2019/16996

ST 8/2020 Delegerte vedtak

Saksprotokoll i Nasjonalparkstyret for Jotunheimen og Utladalen - 18.03.2020

Vedtak

Nasjonalparkstyret tek delegerte vedtak til orientering.

- | | |
|---|-------------------|
| 1/2020 Delegert vedtak - Jotunheimen NP og Utladalen
LVO - snødekt mark - leiting etter sakna dyr - Gravdalen
- Leirdalen - Håkon Øverli | 2019/20551 |
| 2/2020 Delegert vedtak - Jotunheimen NP - Dispensasjon -
2020-2023 - Motorferdsel i samband med utleige av hytter
- Lom fjellstyre | 2020/1161 |
| 3/2020 Delegert vedtak - Jotunheimen nasjonalpark -
Dispensasjon - Motorferdsel - 2020-2023 - Bruk av
snøskuter for utsetting av fisk - Vågå fjellstyre | 2020/2535 |
| 4/2020 Delegert vedtak - Jotunheimen NP - Dispensasjon
- 2020-2023 - Bruk av drone i samband med tamreindrift
- Vågå tamrein AS | 2020/311 |
| 5/2020 Delegert vedtak - Jotunheimen NP - Utladalen LVO -
Dispensasjon - Motorferdsel - 2020-2023 - Transport i
samband med drift og vedlikehald av anlegg - Hydro
Energi AS | 2020/3317 |

ST 9/2020 Nasjonalparkstyret for Jotunheimen og Utladalen - Tiltaksmidler og bestillingsdialog 2020

Saksprotokoll i Nasjonalparkstyret for Jotunheimen og Utladalen - 18.03.2020

Coronasituasjonen gjør at ein kan risikere å mangle fagfolk til utføring av spesielle stiltak. Vanlegvis har arbeidet med muring vore utført av sherpaer frå Nepal. Prosjektet blir uansett lyst ut i samsvar med reglar for innkjøp i Staten. Forvaltarane vil planleggje for å vera budd på omprioritering av ressursar til alternative tiltak som ikkje kunne prioriterast innan løyvd ramme. Ein kan vurdere meir til informasjon/tilrettelegging, eller stiltak som kan utførast av andre (t.d. sikringstiltak på sti langs Gjende, kavlelegging av blaute parti, o.l.) Stiltak blir vurdert i samråd med SNO, som leiar av arbeidet med stiltak i Jotunheimen.

Vedtak

Nasjonalparkstyret for Jotunheimen og Utladalen registrerer at tildelt løyving til tiltak for tilrettelegging ligg på vel 70% av innmeldt behov/søknad, medan tildeling av skjøtselsmidlar er fullt i samsvar med søknaden. Det kan verta behov for å søke om tilleggsmidler til tiltak dersom det blir opna for dette i løpet av året. Jotunheimen er eit svært trafikert område med stort behov for informasjon og stiskjøtsel for å førebyggje og reparere erosjonsskader.

1. Nasjonalparkstyret tek til orientering løyvingane til drift av styre og til arbeidet med nettside retta mot publikum, forvaltningsplanen og brukarundersøking.

Drift av Nasjonalparkstyret for Jotunheimen og Utladalen	kr. 350 000
Arbeid med forvaltningsplan / besøksstrategi	kr. 200 000
Skjøtselsplan Utladalen, slutføring/godkjenning	kr. 100.000
Nettside Jotunheimen og Utladalen	kr. 50.000
Drift av sekretariatet (ekskl. lønsutgifter)	Ikkje tildelt rammer til nå

2. Nasjonalparkstyret legg til grunn av løyvingane til sekretariat med ein forvaltar hos Fylkesmannen i Innlandet og ein forvaltar hos Fylkesmannen i Vestland blir tilpassa det behovet ein har for å kunne følgje opp arbeidet med kunnskapsbasert forvaltning av verneområda. Styret finn det uheldig dersom budsjettet ikkje gjev rom for å følgje opp med nødvendige synfaringar og deltaking på møte og samlingar som krev reiser. Budsjettet må ta høgde for at deltaking på landsdekkande fagsamlingar av og til vil krevje flyreiser og ekstra overnattingar – dette gjeld særleg for stillinga plassert på vestsida.

3. Nasjonalparkstyret for Jotunheimen og Utladalen prioriterer midlane løyvd i bestillingsdialogen for tilretteleggingstiltak med økonomiansvar forvaltninga for 2019 slik:

A. Vedlikehald av stinettet i Jotunheimen og Utladalen.	500.000
Kanalisering/erosjonssikring på stig frå Spiterstulen mot Galdhøpiggen	200.000
Kanalisering og sikring av Besseggenstigen ved Bandet	280.000
Vedlikehald og mindre tiltak mot erosjon; m.a. stien mot Vettisfossen	20.000

B. Informasjon/tilrettelegging – jf. besøksstrategi / forvaltningsplan	
Utsiktsplattform Vettisfossen, forprosjekt tilrettelegging og sikring	200.000
Fornyning av informasjonstavler til nytt design	
- Utladalen/Hjelle, oppfølging av forprosjekt	220.000
- Spiterstulen	15.000
- Leirvassbu	15.000
- Eidsbugarden – inkl. infopunkt ved Fv. 53	40.000
Vedlikehald etablerte tiltak	10.000
Sum	500.000

Forvaltarane har fullmakt til å gjera mindre interne omprioriteringar mellom tiltak dersom det blir meir eller mindre forbruk enn stipulert. Styret blir orientert i komande møte.

4. Prioritering av skjøtelsesmidlar forvalta av SNO Jotunheimen:

Slått på Skåri, Avdalen og Vetti (heimre Utladalen)	240.000
Styrt beite på Skåri, Avdalen og Vetti (heimre Utladalen)	160.000
Styving/rising av alm og lind i heimre Utladalen	90.000
Krattrydding/vedlikehald kulturlandskap Guridalen	30.000
Styrt beiting (storfe) i Gjendebuområdet	60.000
Kratt og skogrydding / vedlikehald kulturlandskap Gjendebuområdet	20.000
Styrt beite ved Gjendebu (geit)	15.000
Slått av kve ved Gjendebu for ivaretaking av biologisk mangfald	-
Blir gjennomført annakvart år – sist utført 2019	
Sum	615.000

SNO og forvaltarane har fullmakt til å gjera mindre interne omprioriteringar ved behov.

5. Plassering av dei tre tildelte ferdselsteljarane (eco-counter) blir prioritert slik:

- 1) Telling på Folkevegen i Utladalen.
- 2) Ved Ekrehytta, i stien til Fanaråken / Utladalen
- 3) Ny telling mot Galdhøpiggen frå Visdalen
- 4) Utkikkspunkt Sognefjellet
- 5) Knutshøe, for måling av eventuell effekt av marknadsføring i media.

Dersom telling på Besseggen-stien er ein føresetnad for å kunne få vurdert Besseggen som nasjonal turiststi, kan teljar nr. 4 eller 5 utplasserast ved Vesleløyfte på same plass som i 2017-19.

ST 10/2020 Jotunheimen NP - Dispensasjon - Motorferdsel - 2020-2023 - Snøskuter - Røde Kors Luster Hjelpekorps

Saksprotokoll i Nasjonalparkstyret for Jotunheimen og Utladalen - 18.03.2020

Vedtak

Nasjonalparkstyret for Jotunheimen og Utladalen gjev medhald av naturmangfaldlovas § 48, jf. verneforskriftene for Jotunheimen NP og Utladalen LVO, Luster Røde Kors Hjelpekorps løyve til bruk av snøscooter for vurdering av skredfare, i samsvar med søknaden.

Løyvet gjeld med følgjande vilkår:

- Løyvet gjeld inntil fire turar med inntil 2 snøscooterar på ruta Turtagrø – Ringsdalen i perioden 1.-31. mai 2020-2023.
- Hjelpekorpsset bør vurdere samla omfang av turar i øvingsplanen nøye
- Ferdsel i desse områda krev omsyn til villrein. Reinens behov for ro og avstand skal respekterast.
- Løyvet skal berre nyttast ved reelt behov for vurdering av skredfaren.
- Snøscooterar tilhøyrande korpset eig skal vere merka med organisasjonen sin logo. Dersom det vert brukt andre snøscooterar som hjelpekorpsset disponerer, skal desse merkast slik at det går fram at dei er i hjelpekorpsset si teneste.
- Utskrift av dispensasjon skal vera med på turane, slik at øvingsleiar kan vise denne ved eventuell kontroll.
- Lokalt SNO, Rigmor Solem, skal varslast ved e-post rigmor.solem@miljodir.no eller SMS til 959 65 158.
- Dato og talet på snøskuterar skal rapporterast til nasjonalparkforvaltar snarast råd etter øvinga, og seinast innan 30. juni kvart år.

ST 11/2020 Jotunheimen NP - dispensasjon - 2020 - 2023 - Besseggløpet - Besseggen Fjellpark AS v/ Tor Erik Moen

Saksprotokoll i Nasjonalparkstyret for Jotunheimen og Utladalen - 18.03.2020

Vedtak

Med heimel i verneforskrifta for Jotunheimen nasjonalpark § 3, pkt. 5.2, får Besseggen Fjellpark v/ Tor Erik Moen løyve til vidareføring av arrangementet Besseggenløpet for perioden 2020-2023, på same vilkår som tidlegare:

1. Arrangementet skal gjennomførast over ein dag innan utgangen av juni, og deltakartalet skal tilpassast det tradisjonelle friluftslivet og annan bruk av området. Nasjonalparkforvaltar skal ha melding om tidspunkt i god tid før gjennomføring, og seinast innan utgangen av april kvart år.
2. Merking er lov der det trengst for å sikre at løparane held seg til den T-merka stien (samarbeid med Statens naturoppsyn). Merkinga skal fjernast same dag som løpet vert arrangert.
3. Det er ikkje lov med bruk av motorkøyretøy innafor verneområdet i samband med arrangementet, utover den eine båten Vågå Røde Kors har behov for på Gjende. Vågå Røde Kors får av beredskapsomsyn under dette spesielle arrangementet dispensasjon for å nytte eigen båt med større motor enn det som verneforskrifta opnar for, jf. vurdering og vilkår i sak 27/2013.
4. Deltakarane skal følgje den merka stigen. Arrangøren gjev tydeleg informasjon til deltakarane om dette, og legg til rette med ei startordning som sikrar at det ikkje vert starta fleire deltakarar samtidig enn at dei kan halde råket opp frå Memurubu. For å hindre unødig terrengslitasje er det ikkje lov å bruke sko med metallpiggar i løpet.
5. Dersom alternativet med traseen langs Gjende blir nytta, gjeld følgjande vilkår her: På dei smalaste partia over bergehamrane langs stigen Gjende må det plasserast vakter som styrer trafikken etter stigen, for å hindre vegetasjonsslitasje på sidene og for å unngå farlege situasjonar ved møte eller passering av turfolk.
6. Deltakarane skal på førehand bli informert om at løpet går i ein nasjonalpark og kva reglar som gjeld for mellom anna for forsøpling. Arrangør er ansvarleg for førebyggjande tiltak mot forsøpling og for at området vert rydda. Etter at arrangementet er gjennomført, skal stien/traseen bli gått over same dag og eventuell søppel fjernast.
7. Reklame skal ikkje plasserast i nasjonalparken. Eventuell speakerteneste innan nasjonalparken skal avgrensast til nødvendig informasjon om løpet, og skal ikkje følgjast opp med musikk over høgtalaranlegg.
8. Nasjonalparkstyret kan endre og/eller gje pålegg om andre vilkår dersom det er nødvendig av omsyn til natur og miljø, jf. naturmangfaldlovas §§ 9-10 om føre-var-prinsippet og samla belastning og § 11 som fastslår at «*kostnadene ved miljøforringelse skal bæres av tiltakshaver*».
9. Det skal skrivast ein årleg rapport som sendast til nasjonalparkforvaltninga v/ sekretariatet innan 1. september. Rapporten skal beskrive gjennomføringa av arrangementet opp mot dei vilkår som er sett i løyvet.
10. Nasjonalparkforvaltninga kan kalle inn representantar frå arrangøren og naturoppsynet til årlege evalueringsmøte etter behov, og seinast når deltakartalet når den tidlegare

avgrensinga på 300 deltakarar. Det blir også kalla inn til møte dersom oppsynet ser behov, eller om ein får tilbakemeldingar som kan tyde på at tolegrensa nærmar seg når det gjeld naturbelastning og/eller omsyn til andre brukargrupper.

11. Forvaltningsplanen må oppdaterast på punkt som gjeld tilhøvet til større arrangement innan verneområdet.
12. Eventuelle behov for tilpassingar som kan bli påpeika av Statens Naturoppsyn eller andre skal vurderast av nasjonalparkforvaltar, og leggjast fram for styret.

Vedtaket er fatta ut frå ei totalvurdering i forhold til verneformålet, andre brukargrupper og målsetting om auka verdiskaping knytt til bruk av verneområda.

ST 12/2020 Jotunheimen NP - Dispensasjon - 2020 - Ultraløp - Jotunheimen Ultimate Challenge

Saksprotokoll i Nasjonalparkstyret for Jotunheimen og Utladalen - 18.03.2020

Statskog har ved e-post av 17.03.20 godkjent gjennomføring av ultraløpet med trase innan Leir- og Bøverdalen statsallmenning og Visdalen statsallmenning. Dette i samsvar med tilråding frå Lom fjellstyre.

Vedtak

Nasjonalparkstyret for Jotunheimen og Utladalen gjev med heimel i § 3 pkt. 5.2 i verneforskrift for Jotunheimen nasjonalpark, dispensasjon til å arrangere løpet Jotunheimen Ultimate Challenge i månadsskiftet juni/juli 2020.

Løyvet gjeld med følgjande vilkår:

- Løpstraseen skal følgje T-merka rute Glitterheim – Spiterstulen – Galdhøpiggen – Juvvasshytta.
- Det skal ikkje vera løypemerking og reklame i verneområdet, ut over nødvendig merking av start på Glitterheim og sjekkpunkta Glittertinden, Galdhøpiggen og ved Styggebrean.
- Deltakarane og eventuelle tilskodarar skal gjerast kjende med at løpet går i eit verneområde, og at det skal takast særlege omsyn til naturmiljøet.
- For å hindre unødig terrengslitasje er det ikkje lov å bruke sko med metallpiggar i løpet.
- Arrangøren må stille krav og kontrollere at deltakarane har med utstyr for å klare seg i fjellet under varierende værforhold.
- Eventuelt søppel som måtte følgje av arrangementet skal fjernast straks etter løpet.
- Løyvet gjeld som forsøk i 2020, og må evaluerast saman med Lom fjellstyre før eventuell vidareføring.

Det er ikkje søkt om motorferdsel eller bruk av drone i verneområdet, og styret legg til grunn at slike hjelpemiddel ikkje skal brukast.

ST 13/2020 Jotunheimen nasjonalpark - Dispensasjon - 2020 - Etablering av hengekøyeovernatting - Glitterheim Turisthytte

Saksprotokoll i Nasjonalparkstyret for Jotunheimen og Utladalen - 18.03.2020

Vedtak

Nasjonalparkstyret for Jotunheimen og Utladalen gjev med heimel i med heimel i § 3 pkt. 1.3.b) i verneforskrifta for Jotunheimen nasjonalpark, Glitterheim Turisthytte (DNT Oslo og Omegn) dispensasjon for oppføring av installasjon for hengekøyeovernatting ved teltplassen vest for bedriftsområdet til Glitterheim.

Vilkår:

- Installasjonen skal plasserast i tilknytning til bedriftsområdet.
- Dersom det oppstår utilsikta verknader som slitasje el.l., kan det gjevast pålegg om flytting eller fjerning av installasjonen.
- Stolpane skal fjernast dersom hengekøyeovernatting ikkje lenger er aktuelt, og stolpefesta må utførast slik at installasjonen kan fjernast fullstendig.

ST 14/2020 Jotunheimen nasjonalpark - Dispensasjon - Motorferdsel - 2020 - Utvida gjestetransport - Glitterheim Turisthytte

Saksprotokoll i Nasjonalparkstyret for Jotunheimen og Utladalen - 18.03.2020

Vedtak

Med heimel i § 3 pkt. 6.1 verneforskrift for Jotunheimen nasjonalpark, blir søknad frå Glitterheim Turisthytte om dispensasjon for ekstra turar med snøskuter etterjuls vinteren 2020 avslått. Det er ikkje heimel i verneforskrifta til å opne for utvida tal turar for gjestetransport. Løyve for persontransport innan nasjonalparken vart konkret avgrensa til det som var etablert praksis på vernetidspunktet, med to turar i veka i vintersesongen for Glitterheim, Memurubu og Gjendebu.

Naturmangfaldlovas § 48 kan ikkje brukast for å utvide rammene gitt i vernevedtaket, og ein dispensasjon i dette tilfellet vil medføre uheldig presedensverknad. Høgruta er lagt opp som eit tilbod utan behov for motorisert transport, og deltakarane på eit slik opplegg må vera budd på å kunne tilpasse turen til naturforholda på det aktuelle tidspunktet, jf. omtalen av Høgruta.

ST 15/2020 Høyring - Kvalitetsnorm for villrein - Nasjonalparkstyret for Jotunheimen og Utladalen

Saksprotokoll i Nasjonalparkstyret for Jotunheimen og Utladalen - 18.03.2020

Vedtak

Nasjonalparkstyret for Jotunheimen og Utladalen vurderer forslaget til *Miljøkvalitetsnorm for villrein*, jf. høyringsbrev av 02.12.19 frå Miljødirektoratet, som eit godt verkty i samfunnsplanlegging og forvaltning av villreinområda.

Det største trugsmålet mot villreinen i Noreg er fragmentering og tap av leveområde som følgje av fysiske inngrep, nedbygging av areal og stadig uro i form av menneskeleg ferdsel. Den største utfordringa i villreinforvaltninga vil vera å sikre at villreinbestandane har intakte leve- og funksjonsområde av tilstrekkeleg storleik og kvalitet, nå og i framtida.

I arbeidet med påverknadsanalysar og tiltaksplanar er det viktig at det vert etablert kontakt med lokale fagmiljø og ressurspersonar. I analysen om påverknad blir det sentralt å stille dei rette spørsmåla, der lokalkunnskap om arelabruk vil vera heilt nødvendig. Det kan også vera føremålstenleg å setje ei tidsramme for når eventuelle tiltaksplanar skal vera ferdige, slik at miljøkvalitetsnormen fører til konkrete tiltak, og ikkje berre blir ein del av sjølvne kunnskapsinnhentinga.

Nasjonalparkstyret meiner miljøkvalitetsnormen burde hatt ein indikator for «*Leveområde og menneskelig påvirkning*» som kan brukast på alle villreinområda.

Det er ønskjeleg at målet i artikkel 3 kunne styrkast til slik ordlyd i første setning: «*Målet er at god kvalitet for det enkelte villreinområde opprettholdes eller nås snarest mulig*». Dette bør minimum gjelde for dei nasjonale villreinområda.

ST 16/2020 Jotunheimen NP - Dispensasjon - 2020 - Bruk av drone i forbindelse med TV-program - Nordisk Film TV AS

Saksprotokoll i Nasjonalparkstyret for Jotunheimen og Utladalen - 18.03.2020

Vedtak

Med hjemmel i verneforskrift for Jotunheimen nasjonalpark, § 3 pkt 7.3, avslår Nasjonalparkstyret for Jotunheimen og Utladalen søknad fra Nordisk Film TV AS om dispensasjon for bruk av drone til filming Hurrungane.

I forvaltningsplanen er det vektlagt å bevare Hurrungane er som et område med villmarkspreget, der en skal kunne oppleve naturen med minst mulig forstyrrelser. Villreinstammen i Vest-Jotunheimen er sårbar, og tiltak som bidrar til markedsføring og økt trafikk inn til dette området kan gå ut over verneverdiene, og dermed være i strid med verneformålet. Det vises til vilkår satt i naturmangfoldlovas § 48 om at dispensasjon bare kan gis for tiltak som *«ikke strider mot verneformålet og ikke påvirker verneverdiene nevneverdig. Begge vilkår må være oppfylt.»* Med henvisning til føre-var-prinsippet og hensynet til økosystemtilnærming og samla belastning blir det ikke gitt dispensasjon for kommersiell filming for underholdningsprogrammer o.l. innen sårbare områder, da dette vil skape uheldig presedens for seinere saker og økt samla belastning.

Revisjon av forvaltningsplanen pågår, og overordna retningslinjer for ulike aktiviteter i de villmarkspregete områdene av nasjonalparken og det sårbare området for villreinen i Vest-Jotunheimen vil utarbeides i tråd med intensjonene i verneforskrifta og i nær dialog med villreinemnda.

ST 17/2020 Jotunheimen NP og Utladalen LVO - dispensasjon - drone - TV-produksjon - Nordisk Film TV AS

Saksprotokoll i Nasjonalparkstyret for Jotunheimen og Utladalen - 18.03.2020

Sak 17/2020 trekt frå sakskartet, etter at søkjar varsla at tiltaket ikkje vart aktuelt i år pga coronasituasjonen

Vedtak

-

ST 18/2020 Eventuelt

**Saksprotokoll i Nasjonalparkstyret for Jotunheimen og Utladalen -
18.03.2020**

Styret får nærare orientering om møtegodtgjersle og registrering i utbetalingsportal ved oppfølgande e-postar.

Tid til førebuing vart sett til 4 timar.